

कलस्सेडाम मुचुमिमलाई पावलका ज्याक्तुम सेलाखाजेम

छेम-ल्ला

पावलका ओराम सेलाखाजेम कलस्सीडा बाट्पा थोरलुपामिमलाई ज्याक्तुम बाईडा। एफिससडाम पूर्वथोम कलस्सी एशिया माइनरडाम कोले शहर बाईडा। पावल एफिससडा बाइडाम थारीका कलस्सेलामका कोडनिम मुचुमिम रोम्डीमा पावलका दोस्तुम जोपा सेला थोम्डी। मेर्मिमगोडाम कोले इपाफ्रास ज्वाक्पा मुचु बाइडा। उहेम खोत्ले जोपा-सेला थोस्तुमा थिसिथेड्डुम चडडा कलस्सेडा रूलास्तामा मेसिन्डा कोले मण्डली गड्डु।

मेराम मण्डलीडा कोडनिम लिमा सीपा मुचुमिम लुम्डिम बाईडा। “आरेप्पाम लिमा सीसि भोम्मु लागि कोले आच्छाडाकाम सिजेमकु सेलाखाजेम ज्याक्नीमा आकीमा मण्डलीडा थुसोत्नी” ज्वाक्साका इपाफ्रासका पावलनुड ज्वाक्ताम ज्वाक्ताम डा बुडु।

पावलका कलस्सीमिमलाई लिमा सीसिकु कोथोलाम आच्छाडाका सिजेमलाम जेमु बासी ज्वाक्साका सेलाखाजेम ज्याक्तुम बाईडा। गुका आरेसाका ज्याक्तुम बाईडा: येशू ख्रीष्टका गुडलाई सेल्सामी मा वाडमिम लिमा प्वालेमकु दुम्लाका गुडलाई गुमीडाम वाड बेसा। माम्चुनीका ख्रीष्टलामका सुम्दीसेर प्रडिमडी मा गुमीलामका उनीमा साखामगोडा रोटेमडी। येशू ख्रीष्टलाम कोडडा सुम्दीसेर सेल्लिमु चाप्सु। पावलका थोरलुपामिमकु त्वारोमडा दुम्मु बासिकपा डोकपु सोसिकु दुथाम सोयुडुम बु।

तुखिकसका पावलको ओराम सेला-खाजेम कलस्सेडा रेथिड्डुम बाईडा। ओनेसिम ज्वाक्मा डुल्चो वो गुनुड लस्ताम बाईडा। मेरामकाम लागि वो पावलका फिलेमोनलाई सेलाखाजेम ज्याक्तुम बाईडा।

पावलकु सेव

१ माम्चुनीकु नलामका ख्रीष्ट येशूकु थुमा मुचु दुम्डोडोम गो पावल नुड गुई होम्साकाडा येशूडा थोर बेपा ल्वाक तिमोथीका, २ कलस्से शहरडा बाट्पा माम्चुनीकु मुचुमिम गानी ख्रीष्टडा थोर लुईमिम आकीमा वा-ल्लाक्नीलाई ओराम सेलाखाजेम ज्याक्तोडा बोचुकु। माम्चुनी ईकीमा पापका दिदाम नुड न भ्रसी ग्वानीमीनु

पावलकु आलासो नुड सोम्दी

३ ईनीमा लागि गुकु सोम्दी बोकुलो ईकीमा डाचो येशू ख्रीष्टकु पाप माम्चुनीलाई हेल्लो लोवो आलासो ग्वाकु। ४ हेडालोने ख्रीष्ट येशूडलाम ईनीमा थोर नुड माम्चुनीकु खोत्ले मुचुमिमडलाम ईनीमा रिखामकु दुथाम गुकु थोत्तोकोम बु। ५ ईनीमा लागि पाहिला जुल्थाप्पा ल्वा ल्वापा न बोनीमिमलामका मेराम थोर नुड रिखाम लुमिम सो। मेम्मा मेराम ल्वामुकु दुथाम

आच्छाडाकु सिजेम, जोपा-सेलालाम्का गानी थोमु दुम्नीम बु, ६ मेराम जोपा-सेला ईनीमाडा रोकताम बु। सुम्दीसेर खोत्लेथोम हापा छोम मुचुमिमका मेराम सेलाडा थोर लुमिम बुमी, मा मेराम जोपा-सेलाका उनिमा बासी-दोसी जोपा बुडुम बु। माम्चुनीकु दिदाम गानी थोन्नी मा आच्छाडाका थिसिथेट्नीलो आथाम मेराम सेलाका गानी गोडा वो मेमकाडा खारी बुहोम बु। ७ गानी माम्चुनीकु दिदामकु जोपा-सेला आकीमा द्वादीबुड डोप्सो इपाफ्रासलामका थोन्नी। गुकु होडडा गु वो ख्रीष्टकु खारी बेपाडा सो। गु आकीमालामिम थोर लुईमिम ख्रीष्टकु खारीचो सो। ८ माम्चुनी-पेलका गानीलाई वाडमिम मुचुनुड रिखाम बेबेटिनमकु दुथाम वो इपाफ्रासका गुकुनुड सोयुडुम बु।

९ मेमिमका ईनीमा दुथाम थोत्तोकोलो आथाम ईनीमा लागि सोम्दी बोकुमिमडा बुकु। गानी माम्चुनीकु नलाई थोसिथेन्मुकाम लागि उनीमा पेललामका खोत्ले नैप्ची नुड थिसिथेट्पा न लिट्पा बेसाका माम्चुनीका ग्वानीमीनु ज्वाक्साका गुमीनुड सोम्दी बोकुम बुकु। १० मेम्मा डाचोका न बोमीमिम होडडा गानी बुमु चाम्नी मा गुमीलाई गेर्सिबेट्पा खारी हल्लो लोवो बोनी, गानी खोत्ले जोपा खारी बोनी मा माम्चुनीलाई हापा छेतो लनी। ११ माम्चुनीका गानी आनो मेनो मेदुम्साका इम्सिक्साका बाट्पा दुम्मुलागि उनिमा डोक्पु युमका गानीलाई सोनुडमा दुम्बेनीमीनु। १२ ब्रसिक्साका पापलाई आलासो ग्वाक्नी। हेडालोने गुमीका ओलकु किब्दीडा उनिमा मुचुमिमका ल्वापा ल्वा गानीलाई वो लवामु घेट्पा दुम्बेटिनम बु। १३ गुमीका गुईलाई तुकुम्चिम गोडा साखाम थोपा शैतानकु किब्दीलामका गेसाका रल्लुक्साड्डामी मा उनीमा द्वादीबुड तारापाचोकु किब्दी गोडा

रेसाड्डामी। १४ उनीमा तारापाचोका गुईलाई फ्वामु थि सोक्साड्डामी, मेराम ज्वाक्मा, ईकीमा छुलमिम हेप्साक्साड्डामिम सो।

खोत्लेडाम डोक्पु ख्रीष्ट

१५ मिक्सीका ल्वामु भ्रापा ख्रीष्ट, ल्वामु मेभ्रापा माम्चुनी ज्वाक्साका मिम्मु भ्राम। (मिक्सीका ल्वामु मेभ्रापा माम्चुनी गुई ख्रीष्टडा ल्वामु चाप्सु)। माम्चुनीका प्रडिमडीम खोत्लेकु डला ख्रीष्टकु साखाम बु। १६ हेडालोने पाह्रीला मा सुबुडा बाट्पामिम, मिक्सीका ल्वासीमिम, मेल्वासीमिम, साखाम थोपा गन्खोपमिम दुम्नुका युममिम, साखामचोमिम दुम्नुका डोक्पुमिम खोत्लेलाई माम्चुनीका ख्रीष्टलामका प्रडिमडी। माम्चुनीका खोत्ले ख्रीष्टलामका मा ख्रीष्टकाम लागि प्रडिमडी। १७ खोत्लेडाम डादो गुमीडा बुमी, मा प्रडिसड्पा खोत्ले गुमीकाडा जेन्थाप्पीमिम बु। १८ ख्रीष्ट मण्डली थोपा बुई बुमी, मे मण्डली उनीमा रोम सो। ख्रीष्टका लाले नुसी ग्वाक्सामी। सिमुलाम बग्गेट्पा मा आथावो मेसिपा गुमीडा डादोम सो। मेमिमका खोत्लेकु डलाम गुमी डा सो। १९ हेडालोने माम्चुनीका उनी त्वापडा बाट्पा खोत्ले ल्वा ख्रीष्टडा जुल्मु मुलु बोमु द्वाम्डी। २० माम्चुनीका क्रुसडला ख्रीष्ट सासेन्सिमडीम सिसिको न-थोम घोम्बेसाका सुबुडाम नुड पाह्रीलाम खोत्लेलाई ख्रीष्टलामका गुमीनुड कोदेप बोमु वो द्वाम्डी।

२१ कोबिली गानी माम्चुनीडाम वाड बान्नी। ईनीमा मेजोपा बेसी-दोसी बाईडामका ईनीमा नडा गानी उनीमा स्वाक्चुमो मुचु बान्नी। २२ लावो माम्चुनीका गानीलाई उनी त्वापनुड न-थोम घोम्बेटिमडीम बु। उनीमा मिक्सीलामडा गानी सेपा दुम्मु, छुल

मान्थिम दुम्मु मा मुमा मान्थिम दुम्मु
लागि मिरामडा ख्रीष्ट सिम्डिमलामका
गुमीका ओरे दुम्बेटिमडी। ^{२३} लावो गानी
ईनीमा नडा मेमुसिक्साका नुड आनो-मेनो
मेबासिक्साका थोर बोमुम बुमु बासी,
मा गानी जोपा-सेला थोन्नीलो हाम-हुम
लवापा न लवान्नीम डिसीमीनु। ओराम
सेला माम्चुनीकु खारीचोमिमका सुम्दीसेर
खोत्लेथोम मुचुमिमलाई थोबेटिमडी, मा
गो पावल आ त्वाप वो ओराम सेला
थोबेट्पा सेलाचो दुम्डोडोम बु।

मण्डलीकाम लागि पावलकु ब्राम्दुल्वा

^{२४} ईनीमा लागि गो दुखा ल्वाउमिमडा
गो ब्रसिक्पा बुडु। उनीमा मिराम
मण्डलीकाम लागि आथावो बाट्पाम
बाट्पा ख्रीष्टकु दुखा गो इम्सोक्पु।
^{२५} गानीलाई खोत्ले उनीमा खोत्ले
सिजेम सोसाका उनीमा मण्डलीकु खारी
बोमु खुन्चुम माम्चुनीका ग्वाड्डीमिम
बु। ^{२६} मार्क-मार्केम मुचुमिम बाम्डीलो
आथाम थक्मा ओराम सिजेम ओम्लो
माम्चुनीका उनीमा मुचुमिमकाडा
रेम्बेम्डिम बु। ^{२७} मेयहूदीमिमकामलागि
उनिमा थक्मा ल्वा हाडको जोपा बु
ज्वाक्साका उनिमा मुचुमिमलाई रेम्बोमु
माम्चुनीका न बेम्डी। ओराम थक्मा
ल्वा ने गानी गोडा ख्रीष्ट बुमीमिम सो,
मेम्मिमका माम्चुनीका गानीलाई कोमी
ज्वाक्साका थोर बोमु चाम्नी। ^{२८} गुकु
ख्रीष्टकु दुथाम खोत्ले मुचुमिमनुड सांकु।
खोत्लेलाई ख्रीष्टडा सोनुडमा दुम्बेसाका
माम्चुनीकाडा रेन्थिमुलागि आकी खोत्ले
नेर्चीनुड मेर्मिमलाई डिमसान्कु, मा
आकी थेसी सीकुमी। ^{२९} ओरामकाम
लागि गो गोडा छोम युम खारी बेपा
ख्रीष्टकु सोनुड गो छोम ब्राम्दुल्वा बेउ।
२ ईनीमा नुड लाउडिकिया शहरडा
बाट्पा मण्डलीकाम नुड गोलाई
मेक्रोम्डीमीवाम थोर लुपा मुचुमिमकाम
लागि गो हाडको छोम ब्राम्दुल्वा

बेउमिम बु मेराम गानी चबेन्मु आमा
न बु। ^३ ईनीमा सो हन्नु मा रिखाम
बेबोमुडा कोले दुम्नी ज्वाक्साका
ओराम बेउतोम बु। इनिमा थोर ने
जोपा दुम्नी मा गानी मेमुर्पा दुम्नी,
हेडालोने गानी आछाडाकाम सिजेम
जोहोमका थेसिथेट्नीम बु। मेम्मा
माम्चुनीकु थक्मा ल्वा ख्रीष्टकु दुथाम
आच्छाडाका थेसिथेनीनु ज्वाक्पा आमा
न बु। ^३ ख्रीष्टडा माम्चुनीकु न नुड
नेर्ची थेसिथेन्बेट्पा बुमी। मे न नुड
नेर्ची ने थक्मा खापर्ची होप्पाम बु।
^४ उहेम मुचुका वो गानीलाई मेर्मिमकु
लिमा सोसिमिमथो थोर लुबेन्मु लेम्मु
मेचाम्नीमीनु ज्वाक्साका ओराम ल्वा
गानीनुड ज्वाडुमिम। मेर्मिमकु सीसि
थोरलुईमिम होप्पाम ल्वासी लावो
आच्छाडा मेएँ सो। ^५ गानीडाम गो
होनेवा बुडु लोवो गानीनुड बाट्पा
होडडा लुडु। मेम्मा ईनिमा खोत्ले ल्वा
जोहोम्का घ्रोम्पा नुड ख्रीष्टडा छोम थोर
लुसाका बुनीमिम ल्वानिनीलो गेर्सिक्पा
बुडु।

मुचुका बेम्बेप्पा डुम्लामिमलाम वाड दुम्साका ख्रीष्टडा लाले नुसी

^६ मेम्मिमका ख्रीष्ट येशुलाई डाचो
ज्वाक्साका रन्नीम होडडा गुमीडा
दोनिम बानी। ^७ धुप्पा फ्रुप क्रोक्पा
धक्सा होप्पाम नुड गुमीडला बनेबेम्मा
नेम होप्पाम गुमीडलाम ईनीमा थोर
आनो मेनो मेदुम्साका सीपा मुचुमिमका
गानीलाई सीटिनमिम होडडा छोम
आच्छाडा लुत्तो लमुबासी। मेम्मा
आला-तोमानुडमा दुम्मुम बुमु बासी।
^८ मामासो, सुका वो गानीलाई हाम
ना हामकाम नुड वायम डक्पा मुचुकु
नेर्चीका मेर्मिमकु सीसि होम्साका
लाम्दीमु मेज्वामीनु। मेराम सीसि ने
ख्रीष्टलामिमिम मेएँ, मुचुका बेम्बेम्डिम
डुम्ला नुड सुम्दीसेरकु दुथामिमिम ल्वा

सो। ६ हेडालोने माम्चुनीडा बाट्पा खोत्ले लवा मिनिचो दुम्डिम ख्रीष्टडा डा दुम्मि बुमी। १० गुमीका गानीलाई ख्रीष्टडा नुम् ग्वाक्नीम बु, मा खोत्लेका लिट्पा बेम्डिमका आथा ने हाम वो मेबासी। खोत्ले साखाम नुड युमडला साखाम थोपा ख्रीष्टडा बुमी।

११ गानी ख्रीष्टनुड दुम्मु ने आछाडा क्रिप्सी दुम्मु डा सो। मुचुलाम मिरोमडा दुम्डीम खिरिरी क्रिप्सी मेएँ, लावो गानीलाई ख्रीष्टलाम क्रिप्सी दुम्मिम बु। ओराम क्रिप्सी ने ईनिमा छुल बेपा न नुड छुलकु युमलामका सेलसिमु ल्वामु सो। १२ गानी कुरुदुम रन्नीलो ख्रीष्टनुडडा क्लुम्सिट्नीम बाईडा। मेम्मा ख्रीष्टलाई सिमुलाम फक्पा माम्चुनीकु युमडा गानी थोर बेन्मिलामका गानी वो ख्रीष्टनुडडा बक्नीम बु। १३ कोबिलि गानी सिन्निम बाईडा, हेडालोने गानी माम्चुनीकु मुचु मेबानिवा मा छुल बेपा मुचु बान्नी, लावो माम्चुनीका ख्रीष्टनुडडा फक्निमी। माम्चुनीका खोत्ले ईकीमा छुल हेप्साड्डीमी। १४ गुई छुल बिडिमका देन्दे ल्वामु बासी ज्वाक्साका ईकीमा कोथीलाम ज्वाक्मा ल्वा ख्रीष्टकु कूसडा काँटीका चेसाका पार्साड्डीमी। १५ मेम्मा येशू ख्रीष्ट कूसडला सिम्डिमलामका माम्चुनीका साखाम नुड युम बाट्पा खोत्ले पेलमिमडला घल्वाम्डीमी। मेकोतिमा खोत्लेकु ल्वाहोमडा मेर्मिमकु क्रोम फुल्साम्डी।

१६ मेम्मिमका पोनी-डुनीमिमकु दुथाम, लाले पाडके बेपा चाड लोवो ख्लोमु-द बोमु चोम्डुलोम चाड लोवो डेम्सिमुनेमकाम लावो हेडा मानेमेबोनीमिम ज्वाक्साका सुका वो मेजोपा ल्वा ईनीमा बुईडला मेउन्मीनु। १७ ओर्मिम खोत्ले बेम्खेप्मा डुम्लामिम ने पेल मेप्माडा सो, लावो ख्रीष्ट ने मे रोक्फाट्पा पेलकाम आछाडा मिरोम सो। १८ गुकु माम्चुनीका

रेम्बेम्डिम ल्वा ल्वात्तोकोम बु ज्वाम्डीमा त्वापलाई याक्के दुम्मु होडा रेम्बेसाका पाहीचोमिमकु सोरलोले बेत्तो त्वापलाई डोक्पु लिसिक्पा बेपामिम बुमी। मेर्मिमकु लिमा थेसाका गानी ल्वामु बासिकपा पुरस्कार मेदाम्सोक्नी। मेर्मिम ने हाम वो मेबाट्पा सुम्सेरडाम ल्वा रेसाका त्वापलाई डोक्पु लिसिक्को बुमी। १९ मेराम मुचु ने गुलाई थोपा बुई ख्रीष्ट नुड मेदुम्साका वाड दुम। ख्रीष्ट ने मिरोमकु बुई बुमी। गुमीका मिरोमलाई डुल्मी। मेम्साका मिरोमकु सेर नुड सोरिप ग्रोमबेसाका खोत्ले मिरोम माम्चुनीकु न होम्साका बर्तो लमी।

२० गानी ख्रीष्टनुड सिन्नी मा सुम्दीसेरडाम मुचुमिमका बेम्खेम्डिम डुम्लाडाम वाड दुम्नीम बु। मेम माला हेडा ओ सोम्दीसेरडाम मुचु होडडा दुम्साका मेर्मिम बोनिम बुनी? २१ “मेभेट्नी, मेधोप्नी, मेलुप्नी” ज्वाक्मा सुम्दीसेरकु डुम्लामिम हेडा बोनीमिम? २२ ओर्मिम खोत्ले ने मोकी मा पारी। ओर्मिम डुम्ला ने मुचुका बनेबेम्डीमा सीट्मिडिम कोडा सो। २३ अरेप्पाम डुम्लामिम बिसिक्साका मुचुमिमका माम्चुनी गेर्सिबेन्मु लागि छोम छोमी, याक्के दुम्सी रेम्बोमी, मा त्वाकु मिरोमलाई दुखा वो ग्वामी। मेम्मिमका ओर्मिम ल्वा ने नेप्चीनुडमा होप्पाम ल्वासी, लावो ओर्मिम ने मुचुमिमलाई त्वाकु मेजोपा नमिम ल्वाडा जोहोम्का जुल्मु हाम ना हामकाम दुम।

सेपा दुम्साका बुमु सो हन्बेसी

३ माम्चुनीका गानीलाई ख्रीष्टनुड सिमुलाम बन्नेट्नीमा नुसी(त्वारोम) ग्वाक्नी माला पाहीलाम माम्चुनीकु जोपा ल्वा डार्पा न बेनी। मेड्डा ख्रीष्ट माम्चुनीकु जोपलाम गन्तसिट्मीमिम बु। २ सुबुडाम ल्वा मेएँ, गेलेम ल्वाकु दुथाम न बेनिम बानी। ३ हेडालोने डादोम

ईनीमा बासी-दोसी हुक्ताम बु मा ईनीमा आछाडाकु नुसी(त्वारीम) माम्चुनीडा ख्रीष्टनुड थक्मा बु। (मेराम सुकावो मिक्सीका ल्वामु मेचाप्पी।) ४ ख्रीष्ट, ईनीमा (आछाडाकु) नुसी बुमी, मा गुमी सुम्दीसेरडा रेम्बेन्समीलो गानी वो गुमीनुड जोपा नुड डोकपु दुम्साका रेम्बेन्सनी।

५ मेम्मिमका डादो सुम्दीसेरडाम मुचुमिम बान्नीलो बेन्निम मेजोपा ईनी न सेटनी। मेर्मिम ने, नाम्सुर बेसी, ग्राम्लुपा खारी बेसी, वाडमिम मेसेमनुड छोम अमअम द्वाक्पा न, मेजोपा खारी बेपा न, रारी बेसी। रारी बोमु ने मूर्ति सेव सान्मु होप्पामडा सो।

६ आरेप्पाम मेजोपा खारीका माम्चुनीका ज्वामीमम मेथोपाभिमडला गुमीका छोम डोकपु छोकचो रेम्बोमी। ७ ख्रीष्टडा थोर बोमु डादो कोबिली गानी वो आरेडा बेन्थालनी।

८ लावो गानी आथावो र्पुचुमो लोमु, छोकचो बोमु, वाडमिमलाई मेजोपा बोमु, वाडमिमलाई डक्साका जेमु मा ग्राम्लुपा जेमु डिडनी। ९ लिमा थेन्नेबेनी, हेडालोने गानी डादो बान्नीम बेन्निम होप्पाम बोमु डिडनीम बु, १० मा गानी लाले मुचु दुम्निम बु। माम्चुनीका गानीलाई लाले मुचु बनेबोमी, मा गुमीका उनी त्वाप होप्पामडा गानीलाई बनेबोनिम बुनी, मेम्साका गानी गुमीलाई आच्छाडा छेनीमी। ११ माम्चुनीका आरे बेम्डिमका ग्रीक ना यहूदी, कोक्ते खिरिरी क्रिप्पा ना मेक्रिप्पा मुचु, मेसीसिक्पा, सोक्मुचो, डुल्चो ना मेडुल्चो हाम वो मेएँ। लावो ख्रीष्टडा खोत्लेडाम डोकपु सो, मा खोत्लेकाडा गुमी बुमी।

१२ माम्चुनीका गानीलाई उनीमा मुचु दुम्मु छेट्निमी, उनीमा नडका साटनीमी, मा रिखाम बेन्नीमी। मेम्मिमका नाम्नामचो लुपा, न-थोमनुडमा, याक्के दुम्पा, मेक्रोक्पा दुम्पा मा इम्सीक्पा

दुम्नी। १३ इम्सी बेबेनी मा कोडनिमका कोडनिमडला सुम्बुर्मा किसुलो छुल हेम्बेबेनी। डाचोका ईनीमा छुल हेम्साटनीम होडडा छुल हेम्बेबेनी। १४ ओर्मिम खोत्लेडलाम रिखाम काप्तो लक्नी। रिखामडा ओर्मिम खोत्ले ल्वालाले जोहोमका कोले बेसाका बट्पा रिवा सो। १५ ख्रीष्टका ईनीमा न-गो थोमीनु मा खोत्लेनुड दुबेनीमीनु। हेडालोने दुसाका बुमु लागिडा माम्चुनीका गानीलाई कोले मिरोमडा येट्निमिम बु। मेम्मा गुमीलाई आलासो ग्वामु हेल्लो वो मेप्ल्वानी। १६ ख्रीष्टकु सिजेम हाडकोलो लोवो ईनिमा न-गोडा जुल्साका नुनिम बानी। सीबोनीलो नुड मुलु ग्वाबोनीलो नेप्चीनुडमाका बेनी। माम्चुनीकु सिजेम गोडाम काम्सो, उनीमा नड कोमु काम्सो नुड उनीमा दुथाममिम वाडमिम काम्सोमिम बेतो माम्चुनीलाई न-गोलामका आलासो ग्वाक्नी। १७ जेमुडा लोवो खारी बोमुडा लोवो गानी हा-हाम बोनी डाचो येशूकु नडडा ओर्मिम खोत्ले बेनी, मा गुमीलामका माम्चुनी पापलाई आलासो ग्वाक्नी।

येशूडा थोर लुपामिमकाम नेण्डामिमिकु दुथाममिम सीसि

१८ लालीकुन्दा बेपा गानी खोत्ले नाईमेनी, डाचो येशूडा गानी बोमु बासिक्पा होडडा ईनीमा वोचुकु साखाम गोयु बानी। १९ वोचुनी, ईनीमा नाईमेलाई रिखाम बेनी मा मेर्मिमकाम लागि क्रोक्पा मेदुम्नी। २० चोच्चोनी, ईनीमा मामपापका ज्वामीमिम होडडा हेल्लो लोवो बेनी। हेडालोने गानी आरे बोनीलो डाचो येशू गेर्सिद्वामी। २१ पापनी, ईनीमा चोमिमिकु छोकचो मेफन्साटनी, मेएँ माला ने मेर्मिमकाम उनी गौ भ।

२२ डुल्चोनी, खोत्ले ल्वाडा गानी ईनीमा नेमहपमिमका ज्वामीमिम होडडा बेनी। न-थोम ल्वामु लागि मेर्मिमिकु

मिक्सीलामडा कोडडा ज्वामीमिम
होडडा बेपा मेएँ, लावो डाचो येशूकु
डिम जुल्साका आच्छाडाकाम न-गोका
बेनी। २३ गानी हाम बोनी न-गोका
मेराम बेनी। मुचुकाम लागि मेएँ, डाचो
येशकाम लागि बोनीमिम होडडा
बेनी। २४ डाचोका उनीमा मुचुमिमलाई
ग्वाक्पुमी ज्वाक्साका डादो जेम्डिम
पुरस्कार गुमीका ग्वानीमी ज्वाक्पा
चनीमिमडा बु। डाचो ख्रीष्टकाम खारीडा
गानी बोनिम बुनी। २५ उहेमका मेजोपा
बु, मेम बुडुमका गु मेजोपाडा बेलासोसी
मा माम्चुनीका मेफ्वाक्साका मेर्मिम
खोत्लेलाई देन्दे ग्वामी।

४ नेमहपनी, गानी ईनीमा
डुल्चोमिमलाई जोहोम-नुहोम
बेनी। मेम्मा मिम्नी, ईनीमा वो नेमहप
पाहीला बुमी।

सोम्दी बोमु सो हन्बेसी

२ चडचडया बासाका नुड माम्चुनीडला
आला-तोमानुडमा दुम्साका सोम्दी
बेनिमडा बानी। ३ मुचुमिमलाई गुकु
उनीमा सिजेम थोबेन्मु माम्चुनीका जोपा
थारी ग्वाकीनु ज्वाक्साका आकीमा
लागि वो सोम्दी बेसाटकीनी। ख्रीष्टकु
दुथाममिम डादो थक्मा ल्वा माम्चुनीका
थेसिथेन्बेत्तिकिम बु, मेराम गुकु वाडमिम
मुचुनुड सोमु चाम्कुनु ज्वाक्साका
सोम्दी बेसाटकीनी। गो ओराम ल्वा
थोबेटपुमीमिमकाडा चसिटपा बुडु।
४ मुचुमिमलाई थोबेन्मु बासिक्पा
सिजेम जोहोमका थेसिथेटपा चापुनु
ज्वाक्साका सोम्दी बेडसाडनी। ५ येशूडा
थोर मेबेपा मुचुमिमनुड बुनी-दोनीलो
चडको-चडको बान्सिटनी। खोत्ले
जोपा थारीका ख्रीष्टकु दुथाम मेर्मिमनुड
सोमु भोम्जोल्सिटनी। ६ गानी मेर्मिमनुड
जेनीलो हेल्लो लोवो गेसिबेटपा, नडा
लक्पा ईनीमा जेसी दुम्मु, मेम्साका खोत्ले

मुचुमिमलाई हेसाका तुमु बासिक्पा मेराम
गानी चक्नी।

सेलाखाजेम ज्यामु दुम्मु खाप्डुलो सेव

७ तुखिकसका आमा दुथाममिम खोत्ले
सेलामिम गानीनुड सोयु। गु डाचोका
लागि खारी बोमुडा थोरलुईमिम नुड
गोनुड कोयो खारी बेपा आमा द्वादीबुड
थोर लुपा ल्वाक सो। ८ आकीमा
दुथाममिम ल्वा गानी चक्नी ज्वाक्साका
सोप्डा गो गुलाई ईनीमाडा थुतोडा लेटपु।
मेम्मा गुका ईनीमा सो हन्बेन्सानी। ९ गु
ओनेसिमसनुड ईनीमाडा रोकतोडा लेडु।
मे ओनेसिमस गानी गोडामडा कोले
मुचु, थोरलुईमिम नुड थोर लुपा आकीमा
द्वादीबुड ल्वाक सो। आसिन्डा हा-हाम
दुस्ताम मेर्मिम खोत्ले ल्वा मेचिपका
गानीनुड सोची सो।

१० गोनुडडा चतसिटपा

अरिस्ताखसका गानीलाई सेव ज्वाक्ताम
बु। बारनाबासकु रुचु मर्कसका वो
गानीलाई सेव ज्वाक्ताम बु। उमा दुथाम
डादो गो गानीलाई ज्वामु दुम्तोम बु। गु
ईनीमाडा रोमु माला जोहोम्का हुनाखाना
बेनी। ११ युस्तस ज्वाक्मा येशूका वो
गानीलाई सेव ज्वाक्ताम बु। माम्चुनीकु
किब्दीकाम लागि गोनुड खारी
बेपामिमडा थोर लुपा यहूदीमिम ओर्मिम
सुले कोडडा सो। ओर्मिमका गोलाई
भ्रसिबेटिडडीमिम बु। १२ गानी गोडामडा
कोले इपाफ्रास, गु ख्रीष्ट येशूकु
डुल्चोका गानीलाई सेव ज्वाक्ताम
बु। मेम्मा ईनीमा थोर छोम डोक्पु
दुम्मु, मा गानी हाम वो मेरुलोटपा
दुम्साका माम्चुनीका न बोमीमिम
होडडा खोत्ले बोमु चापा दुम्नीनु
ज्वाक्साका ईनीमा लागि हेल्लो लोवो
गुका छोम न सोक्साका सोम्दी बुहोम
बु। १३ गो उमा दुथाम आच्छाडाका
सोउ, गुका ईनीमा लागि मा लाउडिकिया
शहरडाम मुचुमिमकाम लागि मा

हिरापोलिस शहरडा बाट्पामिमकाम
 लागि छोम मेभापातो खारी बुहोम
 बु। १४ आकीमा द्वादीबुड डाक्टर
 लूका नुड डेमासका वो गानीलाई सेव
 ज्वाक्चिम बु। १५ लाउडिकिया शहरडा
 बाट्पा थोर लुपा वा-ल्लाकमिमलाई मा
 नम्फा रुचो नुड उमा नेण्डा खोम्सिका
 मण्डलीलाई आमा सेव ज्वाड्साङ्नी।
 १६ ओराम सेला खाजेम गानी डान्मु
 डुम्नीमा लाउडिकियाडाम मण्डलीलाई

वो डान्मु ग्वाक्नी। मेम्मा मेर्मिमलाई
 ज्याक्तोम सेलाखाजेम गानी वो डान्मु
 बासी। १७ अखिप्पसलाई आरे ज्वाक्नी:
 “डाचो येशूका गानालाई बेबेट्नामिम
 खारी बेसोका।” १८ गो पावल, ओराम
 सेव आमा त्वाकु ल्लाकाडा ज्याक्तोडा
 बेउ। गो चसिका बुडु ज्वाक्पा मिम्साका
 सोम्दि बेनी। माम्चुनीकु दिदाम गानीनुड
 दुम्नु।